

四庫全書

史部

欽定四庫全書

硃批諭旨卷二百二十三上

硃批尹繼善奏摺

雍正六年六月二十八日內閣侍讀學士協理河

工事務臣尹繼善謹

奏爲恭謝

天恩事竊臣父子兄弟闔家受

恩至深至重毫無報稱萬一臣自拔置詞林甫及五載

蒙

皇上異數疊施不次遷擢

命署粵東臬司印務朝夕兢兢盡心學習方懼識短才

庸萬難勝任復蒙

聖恩授為內閣侍讀學士協理河工事務聞

命之下感愧無地伏思河工關係甚重臣雖毫無所知

當此伏秋水汛之時赴工心切於半月內將未完

事件辦理清楚隨詳請委署經督撫委糧驛道何

師儉署事

臣

於五月十六日交印二十四起身

至南雄府接閱邸鈔見奉

旨著將任內命審數案審理完結再赴河工

臣

任內奉

旨查審各案俱已審明經督撫會審

題奏在案新任按察使公元已於南雄相遇 臣不敢

無事遲留現在星夜兼程前赴工所惟有矢竭愚誠益加勉力無欺無隱必慎必勤工程務期堅固錢糧勿使浮冒以供厥職求我

皇上聖謨訓諭臣有所遵循庶幾少免隕越除一面

前赴河工外為此繕摺
奏謝伏祈

睿鑒謹

奏

勉之勉之切不可效法汝父瞻徇錮習負朕深恩一者
朕憐其衰老二者觀汝尚可造就為國家效力之人所
以姑寬已往俾獲倖免不然禍早及身矣設或以汝父

之居心行事遂謂計之得而奉為涉世良規則一誤豈容再誤施之於汝父之身者斷難復施之於汝也百凡事務處之以誠行之以力勿忘勿替期於始終如一特諭

雍正六年九月二十六日署理江蘇巡撫臣尹繼善謹

奏為恭謝

天恩事竊臣鄙陋無知荷蒙

欽定四庫全書

硃批諭旨

卷二百二十三上

三

聖恩命

臣

協理河務於七月十四日到清江浦仰體

皇上教育之心諸事依總河齊蘓勒指授悉心學習隨
查高堰山盱一帶工程見秋汎平穩河堤保固善
後大工又次第告竣皆我

皇上至誠感召共慶安瀾不勝歡忭嗣奉

旨令臣往福建查審事件正欲束裝起程於八月十五
日接到部文奉

旨命

臣

署理江蘓巡撫印務聞

命之下愧懼交深隨將感激微忱咨呈總河齊蘓勒代
為

題謝

臣

於八月二十八日自清江浦起身九月十一

日到任業將到任日期另疏

題報外伏念

臣

一介庸愚蒙

皇上不次擢用五年之內即畀封疆重任遷轉之速遭

際之隆從古罕有

臣

家人齋摺回南跪讀

硃批諭旨獎勵逾分又蒙我

皇上天地父母之心憐臣父衰老格外矜全臣之舉家疊受

皇恩至深至厚雖生生世世永效犬馬實未能仰酬萬一惟有凜遵

聖諭益加黽勉實心實力自矢愚誠以供職守斷不敢因循瞻顧有負

聖主訓誨之至意所有

臣感激

天恩微悃理合繕摺

奏謝伏祈

睿鑒謹

奏

如此矢志甚好勉力為之以副委任

同日又

奏為奏

聞事竊查江南為財賦重地清理錢糧最關緊要通省

積欠甚多久在

聖明洞鑒之中臣到任後即稽查歷年各案虧空贓罰銀至二百五十餘萬兩糧至數十萬石問之官吏多以年久無著難於追補為辭伏思既有虧欠之人自有著落之處乃向來承審承追督催各官惟事寬縱承審時任其借端開脫并賄買吏役分認欠數卸重為輕即使本犯供出上司抑勒餽送之處亦多瞻徇情面不予追求及至定案承追雖有資產任其寄藏隱匿歲月既久在上司不過目為

具文在屬員亦止奉行故事在前官既坐視其花
銷在後官亦靜聽其沉擱此數百萬之錢糧所以
積欠不清也更有業經追出之贓物上司不速行
催解又被後官侵那復成虧空有入官易價之田
房州縣不即行轉售仍令本家盤踞私收租息種
種欺隱不可勝言若不徹底澄清誠恐愈久愈難
終無著落臣識見短淺事多未諳似此積欠累累
敢云一時可以清理但世受

深恩肩茲重任何敢瞻顧因循仍蹈前轍臣現悉心籌畫飭行布政司并府州縣官將各案虧空現在著追之人本身家屬逐一提究或有寄藏隱匿之資產或有抑勒餽送之上司或有賄買吏役分認之款項竝已經追出復被侵那之贓物業經入官尚未易價之田房逐一究明分別著落勒限追賠如仍不及數則歷任承審承追督催各官均難免分賠之責庶

國帑不致久懸而貪污咸知警惕矣至於現在各州
縣倉庫錢糧有無侵那情弊并司道庫有無未清
之項俟盤查另摺奏

聞謹

奏

江蘓吏治民風頽敝已極而錢糧一項積欠累累尤屬
混淆鄂爾泰於布政司任內雖少為整頓緣旬宣之職
既與督撫有間又蒞事未久是以弗克徹底清晰今復

因循數年更不堪過問矣總不得人為之奈何此原係
第一繁劇之任非秉公破面未易振刷初到地方庶務
紛紜殊難一一指諭且就汝力之所能聚精會神次第
料理漸期就緒不但朕恩不宜辜負以汝青年畢生事
業暨千百載之名譽寧不自惜如欲保全始終惟有於
一切處無欺無隱將純然忠誠之念對越

大地神明置己身利害於度外能如是居心行事自蒙

天

祖鑒察神明錫佑尚不止保全二字而已也須見透守定
為要

雍正六年十一月初九日署理江蘇巡撫臣尹繼
善謹

奏為奏

聞事伏惟我

皇上旰食宵衣澄清吏治凡內外大小臣工無不諄諄
訓誨共被陶成復以知府一官管理通郡有察吏安民

之責

特諭各省督撫詳加甄別

臣蒙

聖主隆恩簡畀重任敢不悉心體察以仰副我

皇上任賢使能至意查江蘇所屬七府五州

臣到任未

久雖未能深悉據

臣

現在所見江寧府知府李如

好員

蘭實心

人極能幹有此取疵殊為可惜嚴飭令其悛

任事常州府知府包括歷練老成松江府

知府張文英

極有才情

但聞好酒任性已屢加申

改

飭揚州府知府楊繼椿到任未久為人直爽署蘇

州府知府吳江縣知縣徐永祐實心任事之人辦事有才不徇情

面俱堪勝知府之任惟淮安府知府申程章過於忠厚難以統理鎮江府知府毛德琦雖才情歷練但未免巧滑俟臣再細加試看遵

旨是

具題其直隸知州內太倉州知州翁甫生辦事勤謹

通州知州李世裔雖久歷練尚堪學習海州知州

李震見過一次徐州知州白潔新任未見俱未深

知邳州知州呂大雅臣在河工時見其辦事明敏

實屬能員前因舊任交代失報蝗蝻經督臣題叅

蒙

聖明洞鑒特加寬免此七府五州之大槩也再按察司

董永艾辦事老練

少人誠實

驛道張暲樞為人朴實才具平

亦一老成

常其蘇松糧道

心術可取

馮景夏辦事實心

優品也未免年齒稍邁

不顧嫌怨淮揚

堪稱歷練

道白鍾山謹慎明白淮徐道康弘勲才具優長均

或外

堪勝任江寧糧道現署布政使事葛森為人畧軟

貌如是耳非係柔款尚恐伊過剛恃才

所論是

江常鎮道王之錡短於才情然此二員皆辦事謹

江常鎮道王之錡短於才情然此二員皆辦事謹

慎蘓松巡道魏觀已音美辦事糊塗為人粗鄙合竝就臣

所見據實奏

聞至州縣各官尚未周知現在令該管府道分別賢否
臣一面輪流調驗并加密訪統期天公矢慎以嚴
舉錯以肅官方謹

奏

秉公察吏甄別賢愚封疆之能事畢矣朕之責任亦不
過擢用汝等數員督撫而已雖然人不易知才難預擬

姑且試用再定高下耳觀汝品評大畧似無忝表率之職朕深幸簡畀不謬勉之

同日又

奏為請

旨事竊查江蘇地方習尚僥巧民少樸誠拖欠錢糧尤為積弊臣值此蒞任之初正衆民觀望之時若仍踵舊習姑容取悅則千百萬之舊欠愈難清楚臣是以一面出示徧行曉諭一面行文通飭州縣清

查糧冊歸併子戶改正詭名飛灑包攬逐一跟求
務使皆得著落欠多之州縣責令該管道府親往
督察分委佐貳協力查比期於徹底澄清但臣愚
以為有治人斯有治法現在江南州縣能理繁治
劇者十中不過二三其試用人員一切吏治尚未
歷練似此冊籍混淆安望一時清理且通省之內
情勢不同弊端各異無論臣識見短淺不能有畫
一之良法即使立定章程而各州縣才力難勝不

能奉行終歸無益臣晝夜思維計無所出竊查江南有因公墾誤知縣陳陞誠羅繼洪嚴接江之煒等四人訪聞素日居官聲名頗好伊等因事進見聽其言論於人情風土又甚熟諳可否仍留江南於舊欠不清之處委其協助料理似駕輕就熟可收臂指之用抑臣更有請者現在赴部候補及他省因公墾誤之員其中有辦事歷練精於錢糧者求

皇上飭下廷臣各舉所知揀發二十員來蘇俾臣酌量

繁簡分委各處協理倘能將舊欠冊籍查清其候

補人員即行

題補因公窒誤者臣亦據實奏

聞仰邀

聖恩准其開復於江南補用其不實心任事者不時訪

察據實

題叅如此庶任用得人而於錢糧大有裨益謹將陳

陞誠等因公呈誤緣由另摺奏

聞如蒙

恩允求

敕下該部免其回籍以便委用為此具

奏伏乞

皇上聖鑒施行謹

奏

江蘓積欠為數太多非汝獨力所能辦理已另有諭旨

矣

同日又

奏為奏

聞事竊

臣荷蒙

聖恩身任地方凡有見聞理應陳

奏不敢稍有欺隱茲於十月二十四日

臣

衙門稟事

官傳稟有浙江理事同知車柏求見

臣

思車柏係

現任職官或因浙省差遣至蘇何竝無公文投遞

欽定四庫全書

硃批諭旨

卷二百二十三上

十三

只有清字一紙又寫車松名字隨即著票事官查問原係車松並非車柏據稱因恐寫出車松名字被登記人役知道不便故假稱伊堂弟車柏等語臣因形迹詭詐不令進見查車松係鑲白旗滿洲原任翰林院檢討後在銅板館行走好交接間遊臣在京時見過一面素無往來今不知何事到蘇又假冒現任職官臣恐其在外多事業已密遣人尾隨其後看其同行幾人前往何處相見何人所

幹何事將伊行蹤探聽明確另行備細

奏明外合先繕摺奏

聞謹

奏

所奏嘉悅覽之其加意察訪毋忽倘有借端生事處一面羈禁一面題叅無論其有無過犯以旗籍之人任意在外遊蕩即屬不法之極各省督撫大吏咸肯如是不事瞻徇秉公執法則此種狂妄之徒何敢公行無忌而

不斂迹潛蹤耶

雍正六年十二月十一日署理江蘇巡撫臣尹繼
善謹

奏為恭報得雪日期事竊照江省地方今歲仰賴

皇上福庇大獲有秋禾稼登場之後米價甚平晴雨及
時二麥亦皆播種今於十二月初二日蘓州一帶
俱得雪四五分江北至江寧一帶據報於十一月
十七十八日并十二月初二日先後得雪七八分

一寸不等似此嘉祥有兆來歲豐稔可以預卜所
有得雪日期理合恭摺

奏報伏祈

睿鑒謹

奏

今冬北五省皆得盈尺瑞雪矣似此分寸沾濡恐無濟
於事當竭誠修省黽勉吏治務有以感召

大和獲蒙春雨接續方可冀來歲豐登之慶也

同日又

奏為奏

聞事竊照松江海塘關係民生蒙

皇上軫恤深恩改建石工萬年利賴臣身任地方當此

鉅工更宜慎重辦理經臣知會浙江督臣李衛署

江南督臣范時繹齊集來蘇公同會商查得從前

工程式樣不妥物料不敷所修多未如式今將一

切應需工料逐款核實不足者加增無益者議裁

斟酌式樣另立章程不敢仍前苟且伏思興修此等大工總理分任務在得人從前委官僅止六員一應辦料監工俱令兼任且內有現任地方印官不能朝夕在工從中工匠人等偷減夫工扣剋物料在所難免今奉

旨差通政司叅議俞兆岳前來督工年紀雖老頗能勤慎臣等公同在水利效力人員并同知通判佐貳等官內共挑選得二十員分任責成監工辦料各

司其事庶無貽誤現在將議定工料應需費用詳細造冊繕疏具

奏一面委員採辦物料俟物料齊備明年定期興修
臣工程未諳一切事宜皆與李衛范時繹悉心商酌而蘓州去海塘甚近興工之後自當親身查看並不時嚴加稽查斷不敢一毫怠忽有誤大工誠恐上厯

聖懷理合繕摺奏

聞謹

奏

海塘工程緊要極宜盡心辦理諸凡能與李衛和衷協力可無舛謬之虞矣

同日又

奏為欽奉

上諭事竊臣前經接到怡親王大學士張廷玉等字寄奉

旨著臣加意查訊防範日本外洋事宜欽此欽遵臣先
於抵任之初因江南崇明吳淞一帶沿海地方逼
近外洋甚為緊要即經留心嚴行沿海將備加意
巡察各處城堡營汛墩臺飭令修整以資防守奉
到

上諭又經密飭沿海隘口加意整頓不時巡哨一切水
師器具脩理整齊務使防範嚴密

國威遠播無隙可乘並不稍露圭角使海隅驚惶至

於出洋商人往來彼處尤宜留心經浙省督臣李
衛署督臣范時繹並臣會同商酌點立商總八人
江浙兩省各分派四人稽查凡出洋之船令商總
出具保結牙行保甲人等出具甘結合夥商人各
出具連環互結使彼此覺察臣等并酌定稽查條
規飭行沿海地方文武各官及管稅關口編定船
隻大小字號查明人數年貌籍貫檢點出口貨物
驗對本商票照一出入均須查對明確搜檢無

遺如文武各官稽查不力即行

題叅以示儆戒臣留意查訊彼處消息凡內地商人到去原另在上庫居住自來防閑甚密外番之人視中華之物新奇可喜往往多方購求從前洋商有將書籍象馬杭州畫景及教習弓箭之人帶去者皆係貪圖小利罔知禁約浙江督臣李衛所拏鍾天觀等已在蘇會訊其打造戰船之處尚未確實總之邊防不可一日不備訪緝不可一日不嚴

臣現在謹遵

諭旨留心訪察加意防範如有應行奏

聞之處即當密摺具

奏擬俟明春往松江料理海塘之便再往寶山嘉定
太倉等處沿海一帶查看情形并各處城堡營汛
船隻如有未合機宜或應行添設修整之處逐一
斟酌具

奏理合先摺

奏明伏祈

皇上睿鑒謹

奏

覽奏已悉諸凡酌宜料理務以從容不迫為貴不可虛張聲勢

同日又

奏為奏

聞事竊照江蘇虧空累累積案未清臣抵任後一面具

摺奏

聞一面嚴飭各州縣上緊清理三月以來其中一切弊竇亦漸次敗露查確者業經陸續

題叅今奉

旨會同清查之監察御史

臣

伊拉齊已經到蘓

臣

知會

署督

臣

范時繹并巡按御史

臣

戴音保前撫

臣

陳

時夏公同會議查得江蘇本省虧空共二百六十餘萬贓罰等銀共二十餘萬兩米穀等項共五十

餘萬石外省咨追銀共一百七十餘萬兩雖從前已經查過任所咨追原籍但皆虛應故事原未認真清理臣等一槩從新查審務將原籍任所產業資財并隱匿寄頓及上司勒索餽送通同侵蝕等項逐一究出抵補惟是各案歷年已久朦蔽甚深又恐州縣各官從前既經失察此後仍然徇隱臣等公議須派委幹練之員會同該州縣查審務使毫無遺漏毫無欺隱至於現在倉庫有無虧缺自

應將各州縣錯綜調任清查但江蘓等屬州縣多半新任且一槩調任恐人地不能相宜事務多致遺誤臣等公議擇其在任年久者錯綜調任其在任未滿一年者委官盤查其餘甫經到任未經出結并現在員缺候新官到任之州縣即責令新任官嚴行清查內有糧多未清之處或人不堪諳練恐被前官欺朦者俱委官協查務令將錢糧倉穀徹底查明其有侵欺那移倉穀霉爛捏稱民欠等

弊分別

題叅追補但查審虧空清理倉庫均需員委任雖有命往來蘇候補之州縣等官現在各屬出缺甚多需員委署不能分任臣等公同酌議現擬另疏具

題請

旨敕部挑選曾經出仕之候補州縣官二十員并通判同知知府等官十員來蘓分委辦理但恐部內挑選一時未必得人且江省錢穀頭緒紛繁若非熟

悉之員恐為各屬朦混是以臣先將江省因公呈
誤諳練錢穀之江之煒羅繼洪嚴接陳陞誠四員
具摺

奏請留用今臣等又在廢員內挑選得原任徐州知
州張昕原任長洲縣知縣薛仁錫原任奉賢縣知
縣張蔭圻原任蕭縣知縣吳大成原任儀徵縣知
縣郭純共五員均堪委用再按算錢糧查對冊籍
并需員協理令各府州擇佐雜教職中能辦事者

共數十員一并委令協查亦經於疏內

題明臣等若聚集一處仍恐各員因循遲誤今擬督同各道府州分地稽察一切事件公同商酌現在上緊料理俟各該員到蘓陸續分委除會疏具題外合將會議清查緣由繕摺奏

聞謹

奏

觀所區畫可謂切中肯綮但須揆情酌理為之固不宜

疎懈亦不宜急迫秉公執法循序辦理

同日又

奏為備陳江南積欠之弊仰祈

睿鑒事竊照江蘇地方歷年積欠錢糧除康熙五十年以前者均蒙

特恩蠲免自康熙五十一年以後至雍正元年積欠地丁六百餘萬兩加以漕項等銀共九百餘萬兩仰沐

皇恩浩蕩分爲十年十二年十五年帶徵爲時甚久民
力甚紆正宜上緊輸將按年完納不意舊欠難清
復有請照新糧均攤之議以爲舊欠之積年既久
民間之產業不常或先富後貧無力措辦或產去
賦存懸欠難追不若攤入新糧業戶照數均徵尤
屬衆擎易舉初聞其說似屬爲公再四思維實有
斷斷不可者夫

朝廷立法勸善懲惡大抵欠糧之徒均屬頑梗之輩而

完糧之戶實皆循分之民今以頑戶之抗欠派之
循分之良民何以示懲勸而彰

國法雖此積欠之中原亦有產去糧存貧窮無力難
以著追者然約畧言之至多不過十之三四其餘
大戶之抗玩圖書之包攬吏役之侵蝕花分詭寄
易冊改名弊端百出何得俱云無著如果徹底清
查跟究確實使田歸的戶戶歸正名抗玩者嚴行
究追包侵者不得倖免詭寄花分者不使朦混掩

藏則實欠之數既和盤托出似不難依限完納其餘實在產去糧存貧窮無力難以著追之項方可分別確數據實奏

聞但事關重大為臣子者非分晰至清不敢冒昧入告而積習已久弊端甚深即多方設法亦斷不能一時分晰臣前已具摺

奏請候補及因公呈誤諳練之員協同州縣清查現在又會同

欽差臣伊拉齊等請發人員查審從前虧空及現在倉

庫錢糧一時難以兼顧俟查審稍有頭緒即分委各員協同州縣將歷年民欠逐一清查料理謹將民欠情由據實奏

聞謹

奏

清理此項積欠朕已確有定見矣趙向奎到蘓傳諭汝等自當備悉也

同日又

奏為奏明事雍正六年十一月十一日接總漕臣張

大有知會山東濟寧州查拏盜犯情由到臣隨即

飛飭江省附近山東地方文武各官謹密防範如

有彼處盜犯潛往江省協力查拏并密移附近東

省之狼山鎮臣王安國一體知照復委員前往交

界地方探聽星即具報嗣於十一月二十二日准

總河臣齊蘇勒咨提濟寧案內潛逃盜犯周佳士

臣即刺差委標下中軍遊擊武進陞密拏該犯先
已藏匿在山為僧當夜跟追擒獲已解赴河臣衙
門收審復查盜犯宋姓有家人季二適自東省回
蘓恐亦係彼處盜犯傳遞消息隨即密拏并移咨
河臣確查解審再據季二供稱宋五住居山東伊
妻父黃炳莊上是否係原任山東巡撫黃炳之婿
黃炳現在東省亦經咨明河臣就近確究臣謹繕
摺

奏明謹

奏

周佳士當即拏獲深為可嘉捕役兵丁人等亟應破格
賜賚以鼓舞將來近年巡捕京營兵弁重賞之下人人
踴躍以故劇盜積窩緝獲者甚多漏網者殊少而一切
要犯率不旋踵就擒此其明驗若吝惜小費則必至貽
誤大事矣所當法之者

同日又

奏為恭謝

天恩事竊臣父尹泰本間散之人蒙我

皇上不次擢用拔之泥塗之中置之青雲之上夙夜兢
兢思圖報效奈年已七旬精力不足數年以來錯
誤甚多幸賴

皇上天地父母之心諄諄教誨事事包容且父子兄弟
闔家疊受

殊恩臣之一身尤邀

異數中心感激莫可名言及臣父獲罪蒙

皇上憐念俯

賜矜全第革去職銜已出望外又蒙

聖明洞鑒微情復還原職昨臣父寄信與臣感

皇上再造之恩自愧年迫衰暮恐難仰報深切惴惴勉

臣務竭公忠實心出力臣望

闕叩謝感愧交并伏念臣父子受

恩至此即使糜頂捐踵亦不過職分當然難云報稱惟

願生生世世永效犬馬微勞以仰酬

高厚於萬一耳為此恭謝

天恩謹

奏

汝父原無罪譴何所用其寬宥朕從不枉法寬人亦不
違法宥人若濫以使過之仁歸美於朕則恥而不居公
平二字實可質諸

天日也

雍正七年正月二十五日署理江蘇巡撫臣尹繼
善謹

奏為奏

聞事竊臣於本年正月初間聞得河臣齊蘓勒患病當
即差員前往看問據差員回蘓稟稱病勢漸重現
卧牀褥已近二旬河務緊要臣正在繕摺奏

聞於二十四日又准河臣齊蘓勒咨會已將患病緣由
具

奏并奏明將總督河道印務咨臣赴工接署查河工
修防機宜刻不容緩今臣於二十五日起程星夜
趕赴工所暫行料理俾河臣得以安靜調攝除將
起程日期并到工接印緣由另疏

題報外謹繕摺奏

聞抑臣更有請者臣任內巡撫事務俱帶往河工儘力
辦理但通省現在審追虧空清查民欠修築海塘
一切事務繁多河務又須隨時調度方無貽誤誠

恐河臣一時不能痊愈臣才識短淺勢難兼顧理
合一併

奏請

聖鑒臣無任激切待

命之至謹

奏

覽奏起程前赴河工情由知道了已有旨矣

同日又

奏為請

旨敕部議處事竊臣才識短淺事多錯誤去年十二月

間據革任按察使董永艾將揚州商人安瑞成僕婦程氏夫婦命案審供詳揭請叅並請提安瑞成等質審前來經臣據詳具

題在案今臣接到部咨伏讀

上諭始知其中多屈抑情節董永艾似此營私煅煉顛倒是非不能詳察冒昧具

題罪實難逭除將此案人犯遵

旨解部審理外臣謹恭摺具

奏伏乞

皇上敕部將臣一併嚴加議處臣無任惶悚之至謹

奏

此事於汝毫無干涉人命案件既經臬司詳揭安得不據情具奏也

雍正七年二月十二日署理江蘇巡撫臣尹繼善

謹

奏為奏

聞事竊臣先因總河臣齊蘓勒患病咨臣赴工署印河防緊要不敢遲誤隨即起程將巡撫事務帶往工所辦理一面具摺

奏明嗣於途中聞河臣於正月二十日病故臣趕赴工所於二月初八日接印署事業經另疏

題報其一切修守事宜俱備細體訪加意咨詢悉照

齊蘓勒現行成規辦理并恐各河員因河臣患病
乘此有偷減怠玩之弊現在委員分頭查點各工
料物各處工程轉瞬即屆挑汛務使上緊修防以
資捍禦惟是臣以庸愚當茲任大責重不勝悚懼

能見至河臣齊蘓勒在工經理以來加意河防實心為
國可敬可法臣奉

旨跟隨學習誼同師弟一應喪務臣俱親往料理合并

奏

聞謹

奏

黽勉從事敬慎為之河工修守機宜關係非輕惟確衷
忠勤之志兼祈

天

神祐助方可期底定之效

雍正七年三月初三日蘓州巡撫署理總督河道
仍協辦巡撫事臣尹繼善謹

奏為恭謝

天恩事

臣竊

臣接准部咨奉

旨命

臣

補授蘄州巡撫署理總督河道印務仍協辦巡

撫事欽此欽遵移咨到

臣隨望

闕叩頭謝

恩恭疏具

題又接大學士張廷玉等敬錄

諭旨寄信與

臣伏念

臣

才識庸愚荷蒙

聖恩簡畀封疆重任雖夙夜兢兢勉圖報效毫無片長
足錄仰答

高深又蒙

恩實授巡撫署理河道總督復慮臣初膺重寄未諳工
程示以遵守成規勉以細心採訪恐拘文牽義而
盡信書本之言恐輕事更張而妄聽無稽之論

特頒密旨教誨諄諄臣跪讀之下感懼彌深惟有仰遵
聖訓恪守前河臣齊蘓勒之成規日與淮揚道白鍾山

物料

等悉心商酌竊以治河之道工程務期堅固錢糧尤須預行辦積

務歸實用先事宜上緊修防臨時必相機保護而

其要總在於用人之得宜臣到任後日向各工員

廣宣

聖意殷殷戒飭即效力各官必一一驗看挑選誠實可

用者催備工程盤查物料以領帑修工專責之廳

員而物料到工之數目工程現修之丈尺俱令汛

官月報以憑稽查臣目下將所積案牘上緊清理

黃運

即輕騎減從帶諳練工程之人自安東以至徐州
兩河界限正在交發運臣會議其歸南歸北之處

尚未

確定

視本標營伍至於河工習氣相沿已久稍有一念

懈弛即起無窮弊竇其可寬之過臣斷不刻意吹

求若修工者偷減錢糧草率塞責查工者仍然索

取規禮一味朦朧亦必不肯苟且姑容以滋怠玩

若查有實據豈但不為姑容乎

應嚴

禁示懲

其河庫及各廳錢糧恐有虧空情弊亦現在清查

所有感激微忱理合繕摺恭謝

天恩謹

奏

所奏嘉悅覽之孔毓珣到任為期尚早母因暫署率忽從事務須竭力整飭以副委任齊蘓勒之治河精勤允當可謂盡美盡善纖毫無庸改張若伊之察吏則未免過於寬厚要當加意甄別况孔毓珣又係偏於善柔之人倘此際不力為振刷因循日久委靡更甚將來必至有掣肘之虞矣即伊到任後仍命汝協理切毋少懷推

卸之念

同日又

奏為奏

聞事雍正七年二月二十七日署巡撫臣王璣到清江

浦臣即於是日交印已經另疏

題報署撫臣口傳

訓旨令臣等和衷共濟竝教臣於河工事務小心辦理
用人期於慎重寬嚴在乎得宜雖父母愛子之心

無所不至亦未有如此之諄詳懇切也臣受

恩深重自愧駑駘難以稱職凡見聞所及心力所到務與署撫臣同心協力共效公忠臣任內經手一切吏治民生地方利弊恐署撫臣新到不能詳悉皆備細告知雖相聚二日已皆仰遵

聖訓諸凡商酌開心見誠無分彼此嗣後一切緊要事件仍公同酌議舉行臣自思年少無知蒙

皇恩如此委任諸事不敢稍有推委苟且畏難亦不敢

妄立意見互相掣肘惟有不揣力量上緊料理以期稍竭犬馬報效之心臣謹將會見署撫臣王璣敬領

諭旨欽遵緣由繕摺奏

聞仰祈

睿鑒謹

奏

王璣頗屬聰明諒汝等自當和衷共濟天下未有公而

不和之理凡共事而至於乖異則二人中必有一私不勝公者勢不得不相水火也

同日又

奏為奏明事案照江省蘓郡後幫千總杜弘昌督押旗丁丁能調等五十九船領兌蘓州府元和縣雍正四年分漕糧勒索銀兩一案據按察司將五十九船旗丁并駕船舵工水手人等一併問擬徒杖所得銀兩照數斷追招解前來臣查各船旗丁給

以屯衛地畝養贍家口領運北上又有五米十銀等項以資沿途用度原不應向州縣分外苛求惟查各丁管駕漕船雇覓舵工水手置買蓬桅以及交納茶菓等項通算實有不敷况從前赴淮盤驗俱有費用現奉

聖明鑒照差御史臣前來稽察是從前旗丁之領運原不無浮費也前任布政司鄂爾泰任內曾經議定每州縣每石漕糧收銀六分幫給旗丁每船銀二

十兩餘為修倉運脚之需是各州縣原有收漕羨
餘應行幫貼旗丁之項不過丁能調等勒索太多
耳今若俱作贓銀槩行擬追於情法似屬未當但
此項幫貼原係私議若將緣由叙入本內一經

題明便為成例恐各旗丁藉此以長刁風各州縣因
之以增重耗又有未便臣是以於看內將旗丁向
來幫貼之項并各項零星銀兩另行斟酌措詞議
請免追其餘多索銀兩仍照追入官再查各旗丁

勒索銀兩雖係五十九船管船旗丁并各船舵工
水手分用但出名勒索者實止頭船丁能調等四
人臣愚以為

朝廷立法懲一儆百此案惟應將為首為從數人重治
其罪使嗣後各旗丁咸知畏懼其未經親往勒索
之船丁及各船舵工水手無知窮民似應槩請從

寬以廣

如是處斷可謂得折中之道
皇仁除逐一分別定議具

題外理合將案內實情繕摺

奏明再查州縣徵收漕糧每石收銀六分以為幫貼
旗丁并修倉運脚之需臣去年抵任後即值收漕
隨據各州縣稟明前來臣初到地方未能深悉其
中利弊過寬恐苦累百姓過嚴又恐苦累旗丁是
以未敢率定仍照舊徵收幫貼惟嚴加稽察不時
差人密訪雖斛面較往年畧減而州縣之所收仍
不止六分旗丁之需索仍不止二十兩而各屬州

縣并各旗丁俱彼此相安臣看此一年光景頗知
大槩而現在過淮使費又奉

旨查禁漕弊漸清臣當與署撫臣公同斟酌嗣後務使
旗丁不致額外需索各州縣亦不許額外多收庶
官民兩便均沐

皇仁於無既矣謹

奏

兌漕利病朕早洞悉情形既因張大有罷軟無能又兼

歷任巡撫皆係沽名釣譽之輩所以未經飭令清釐此事須撫臣與漕督通盤查確徹底講明務俟丁無賠累之苦百姓免勒索之患方可永久循行昨趙向奎陛見時論奏及此甚屬明晰待新任漕臣性桂抵任後汝等詳籌熟計合於至當而行即倉場二臣亦當與之商妥揆諸情理之中除却偏枯之弊於以立定成規縱使有一二刁徒欲逞故智亦無所施其伎倆矣勉為之

雍正七年四月十二日蘓州巡撫協理河工事務

臣尹繼善謹

奏為奏

聞事竊查今春桃汛水勢仰賴

皇上福庇各處安瀾工程保固業經恭疏

題報且雨水調勻於三月十二四月初四等日俱得

甘霖霑足二麥茂盛綠穗盈疇四野歡騰共慶豐

如此

等

繼

肆

之言

何可

輕

出

諸

口

由

是

觀

之

汝

乃

全

不

知敬

諭旨令浙江總督李衛等會同臣確議戰船一事不及

天畏神

即往遠處適西柱於三月十六日自閩回工先令

往各工查看今李衛祖秉衡到清江浦已將戰船
會議具

題訖臣於四月十七日即前往安東以至徐州一帶
查看工程督率修防點驗河兵盤查料物其去年
歲搶修工程用過錢糧例應今年四月內請銷但
事關錢糧重大臣未經親勘明確不敢冒昧草率
雖去年做過工程已經挑伏秋三汛現在丈尺難

為確據然其大槩規模尚可約計容臣逐工確看
回日即按明次第請銷除另疏

題明外理合繕摺奏

聞謹

奏

錢糧猶屬小事工程所係重大當以全副精力籌畫備
禦毋因養指而失其肩背也朕因時屈伏汎念茲在茲
汝膺專責尤宜警凜惟辦一誠祈

天顓

神庶冀淮黃奠定運道民生克保無虞至如天然壩之啟
閉全河樞紐攸關一一遵循齊蘓勒舊規不可誤信謬
論輕率更張脫至意外蹉跌汝罪擢髮難數矣元年以
來河工局勢敝壞已極齊蘇勒於三載之內整頓完全
若非實能憂勤匪懈寧邀

河靈默助成功耶今縱有超越識見詎便鹵莽施措亦須
先將通身利病周詳審度奏明於朕然後相機擇時舉

行耳譬之作文於詞賦中忽夾對股時文成何體段凡天下事必有確乎不拔之志屹然不動之守方可迄於有成倘稍涉狐疑不定必致進退兩難前後俱失莫能收束矣勉之慎之

同日又

奏為奏明事竊思河工錢糧所關甚重臣署事以來將新舊錢糧加意稽察逐項清理如已經咨題有案虧空合計銀三十餘萬歷年久遠完解無幾若

再不查追歸結愈久愈無著落臣已經飭令淮徐
淮揚二道徹底清查亦如江蘓各案一體辦理又
有已經發覺數年尚未叅出虧空約計銀三萬有
餘或係未繳節省或係應追按減或係拖欠柴價
認還借欠等項原非真正侵蝕可比是以前河臣
齊蘓勒未經題叅但究屬帑項虛懸未便日久沉
擱現在行誼道等令其勒限催比如逾期不完即
行叅追至於各屬經手錢糧有無虧缺先經臣

奏明委員盤查今據各員盤查造冊到臣計其存庫
款項收領銀數應銷工程并在工物料細細核算
其中頗有缺少有稱發銀購料者有稱於去年霜
降後修工動用者並有稱前任交代原無現銀向
以料船房田等項流抵者種種遮掩情弊百出但
河工局面與地方州縣稍異臣若據冊即行

題叅而本年錢糧工程業已經手一旦半途更換貽
誤實多臣是以姑從寬緩如稱辦料者即委員查

其何處購買押送到工如稱做工動用者即查其
係某段工程高寬丈尺與所用之料是否相符如
銀兩畧有那移查後自行補足臣亦不復苛求倘
查出從前虧空實據自當嚴叅究處懲一儆百伏
念河工責任重大以臣之愚昧即竭力殫心尚不
能報效萬一又何忍以暫時署理稍為推卸惟有
事無大小經手辦理必逐一用心於遵守成規之
中斷不敢存苟且因循之念理合據實

奏明謹

奏

如此方是秉公彈力為之若少涉推卸孔毓珣到任後
一一奏出汝何顏對朕耶河員既與地方有司不同自
不應遽列彈章但將諸凡情弊徹底查清姑容補足予
以自新之路亦不得謂為苛刻矣

題補河南効力人員一摺所奏甚是已交部議

雍正七年五月二十九日蘓州巡撫協理河工事

務臣尹繼善謹

奏為恭報二麥收成數事竊照今春雨暘時若先經臣將麥苗茂盛緣由繕摺

奏明今臣赴淮安徐州邳州所屬一帶地方看工正值二麥收穫之期詢之農民俱稱收成有八九分不等并據江寧蕪松等處各報稱有八九十分不等目下米價甚平中米八錢八九分至九錢五六分不等上米亦不出一兩一錢四五分兩月內雨

水調勻理合一併奏

聞謹

奏

覽奏二麥收成分數知道了至於禾稼目前雨澤雖調
秋成尚早何敢預期加勉誠慎以敬迓

天庥可也

同日又

奏為奏

聞事竊臣自四月十七日由山安桃源至徐州一帶查
工不惟於歷練河務之員隨時講究即向河兵野
老亦必虛懷詢問博加採訪每到一工尋其源流
量其形勢分其緩急宜鑲墊者鑲墊宜增修者增
修宜加高培厚者加高培厚埽壩堤工已皆一律
完整一年之工多半在於挑汛此時若不細加查
看伏水一長已做者無可考據將來勢必冒銷臣
步履河干逐段丈量不使少有朦混各處工所謹

導

皇上訓誨多備物料不足者發銀購辦疲玩者委員監
催於足用之外仍行多備俱於五月半前陸續運
工又令汛守各官督責兵夫於各工堤岸多積土
牛以備不時之需至河員無論文武修防是其專
責乃文官多任意偷安竟有一兩月不到工者臣
不分文武俱專責成將本工事宜必一一盤問其
有漫不經心竝在地方多事者已經分別責懲斥

草俾知踴躍赴工以期同心共濟然工程之督率固在官員而河干之力作全賴兵目臣逐名點驗竝查其怠惰老弱者革除另募稍有辦事勤慎明白工程者必加獎賞以示鼓勵再伏汎在邇若不通盤計算先期籌畫必致臨事周章因派定諳練之備弁分守大工熟習之兵目調換要汎能事之效力官分地防險臣率同各員敬慎小心往來督查不敢一毫怠忽有曠職守上厯

聖懷但河工修守機宜其理甚微臣初任未諳雖勉力料理實心懷惴惴用敢備細陳

奏伏祈

皇上指示俾臣有所遵循謹

奏

嘉悅覽之能如是虛懷詢訪悉心措畫可謂不負朕之任用矣然河工之事人力固宜克盡而安瀾順軌全賴天地神明之陰相默祐也果能必敬必誠則平穩可保汝

其勉旃

同日又

奏為敬承

聖訓恭摺

奏謝事本年五月二十日臣齋摺家人回南奉到

硃批諭旨訓誨諄諄跪領之下竊念臣才識庸愚蒙

聖主高厚之恩簡署重任教以恪守成規小心敬畏提

撕誘掖至再至三數月以來事無大小無不凜遵

聖訓黽勉步趨自愧質本駑駘雖率由成法尚竭蹶不遑不但不敢少萌更張之心亦實無所用其更張之事即或應有隨時措置亦必恭請

皇上指示然後遵行竝不敢妄聽人言私立意見臣正在繕摺

奏謝間適浙江總督臣李衛過清江浦恭傳

諭旨教臣敬謹辦事其天然壩之啟閉暫依舊規辦理又告臣曾面奏黃河水淺等語伏思

皇上聰明睿知

聖學高深凡平成之方畧河道之情形前河臣數載之
運籌與現在李衛之議論其是非得失無一不在
聖明洞鑒之中何庸臣之瑣瀆但河工事重誠恐上厯
聖懷有不敢不據實敷陳者夫治河之道不在水之淺
與不淺只在底之深與不深而欲知河底之淺深
又視兩岸埽工出水之多寡數年以來仰賴

上天默佑又蒙

指示周詳前河臣齊蘓勒恪遵經理河由地中一律深

暢今春挑汎以後水勢平穩比常年五月小三四

以手

尺臣逐細探量大溜之處水深二丈以外其餘或丈餘至二丈不等兩岸埽高出水一丈有餘處處

河底深通竝無淤墊共見共知此現在水勢情形

乃不知底深而岸高反以水小為河淺此誠不諳

河務之論也至於天然壩之啟閉關全河之大局

胸中

具此確見朕復何憂此千古治河之要訣我

皇上一言備之矣竊查淮水東注歸洪澤湖北出清口與黃相會其所以敵黃者在清口瀦湖水以蓄其勢者在高堰堤工惟恐湖水過多泛漲故留天然壩以為宣洩之路使當啟而閉則湖水過盛勢必大堤受險且運道難以容受使當閉而啟其高郵寶應下流一帶民田受水猶屬小事第恐消洩太過湖水一弱難以敵黃關係甚重所以天然壩之啟閉惟視乎湖水之大小此分其輕重權其緩急

數十年來不易之成規卽局外者或有議論臣雖

愚昧亦斷不敢輕於聽信者也臣才疎任重夙夜

兢兢惟時時小心敬慎事事恪守成規凜遵

訓誨之精詳以求少慰

聖懷於萬一所有奉到


諭旨理合繕摺恭

謝伏祈

睿鑒謹

奏

覽奏嘉與之懷筆難宣諭朕但為國家慶得人而已勉之



硃批諭旨卷二百二十三上

欽定四庫全書

史部

硃批諭旨卷二百二十三中

詳校官尚書臣德保

編修臣裘謙覆勘

總校官中書臣朱鈐

校對官助教臣蔡鎮

謄錄監生臣段文新

欽定四庫全書

硃批諭旨卷二百二十三中

硃批尹繼善奏摺

雍正七年七月初十日蘇州巡撫協理河工事務

臣尹繼善謹

奏為敬陳水勢情形事竊臣於六月十一日前往揚州瓜洲一帶查勘工程隨路探量運河水勢不大不小通身暢流兩岸閘洞皆分先後緩急相機啟

開使民間田畝得以灌溉亦不令運道消洩過多
瓜洲江工因江中正人洲長後十數年來汕刷北
岸雖江水平穩但花園港壩工離瓜城甚近頗為
險要臣住宿二日相機調度督率下埽簽樁并調
諳練工程之員悉心商酌令協同談廳并力修防
加意保護於二十二日回清江浦黃河水勢隨長
隨消消長皆不出數寸漸而不猛雖比五月間較
長尺餘比常年尚小二尺工程處處平穩惟洪澤

湖水尚未長發天然壩且無庸開放目下伏汛已過河水安瀾實仰賴我

聖主至誠感孚是以

神明眷佑臣身任宣防心懷敬惕秋汛在邇何敢一刻偷安一念怠肆惟有愈加敬謹慎終如始以求勉盡職守現在各廳料物堆積二三十萬四五十萬不等俱已充足臣時時仰遵

聖訓務期多備但發銀過多又恐其那用一時料物不

到更費周章今年料物甚賤臣令各廳先量力購辦如到工料物既多委員驗收然後發銀則帑銀不得虧缺而料物源源接續俟秋汛平穩其多餘者可留作來年之用臣即往高堰山旰一帶查看
洪湖工程先將水勢情形據實奏

聞謹

奏

朕懷暫慰必待霜降後方敢全釋也敬之慎之切勿稍

涉矜肆今夏各省缺雨處頗多上流涓細河水自應安
瀾秋汛恐非伏汛可比當確秉虔誠以祈

神明祐助

同日又

奏為請

旨事竊查前河臣齊蘓勒因黃運兩河堤工緊要請嗣
後堤頂民房如遇傾圮一槩禁止重修令其移居
高隙之處以免作踐堤工經部議准轉行欽遵在

卷二百二十三
中
案及署撫臣王璣到清江浦又傳

諭旨命臣於堤上民房一事妥協辦理仰見我

皇上愛民如子惟恐一夫不得其所以安土重遷不忍
催迫直待房屋傾圮方令移居仍恐臣等奉行不
善或至擾累復令悉心籌畫此誠

恩周蔀屋澤遍茅簷矣臣仰遵

聖訓時刻留心查工時遍歷河干見黃運兩岸堤上居
民不下數萬餘家稠密之處比屋相連長至數里

其上下往來實不無少有踐踏但臣細查堤上之民並非擇地而居也原因卑下之地積水恒多高阜之田有主管業不得已而向長堤托處子孫相傳安居樂業者已非一日若少有損缺即不准修葺勢必擾累窮黎殊非仰體我

皇上愛養元元之至意若待其房屋傾圯然後禁止重修小民樂於便安明知傾圯之後便需遷移勢必隨時粘補百計支撐是民房常見完整而官堤無

人愛惜雖歲費無數之金錢終不足以供無窮之
作踐也臣愚以為嗣後堤工或大有衝刷之處仍
動帑興修外其餘民房左右或稍有殘缺於農事
已畢之時即勸率居民各行墊補仍畧為培植此
不過一舉手之勞而堤日見其高厚民仍見其安
堵雖平素少有作踐而年年漸次增培在窮民得
地而居而微勞竝非苦累如蒙

恩俞允臣當仰體

聖心遍示曉諭使小民知給求養欲實

聖天子覆載之恩竝知奉上急公即保守室家之道似
於河道民生均為兩便臣識見淺陋是否有當仰
懇

聖鑒指示以便遵行謹

奏

此非輕率可定之事據奏小民樂於便安云云等語俟
朕廣諮博採詳細思維得有主見後降旨示汝方可通

行曉諭永久遵行茲且密之不宜宣露

同日又

奏為欽奉

上諭事竊臣接准部咨欽奉

諭旨以泗州虹縣等五州縣新淤之地從前委員辦理
草率所報之數未盡確實或至賦浮於田令臣會同
范時繹再加確勘據實陳奏欽此仰見我

皇上惠愛黎民至意臣隨咨會督臣并檢齊從前查丈

冊籍詳悉察核現在挑選辦事細心之員令其分
往泗虹等處會同州縣官相度地勢體訪輿情核
對原糧科則備查新墾坐落分別黃水經由處所
先行確勘繪圖造冊申送臣乘秋汎赴宿虹邵睢
桃源一帶看工之便再親往查丈其實在淤地不
肯任其遺漏如原非新淤亦不敢稍為牽扯倘雖
非新淤或舊有欺隱情弊亦必另行分晰務期竭
力料理不敢復有草率統俟查丈明確備細奏

聞所有奉到

諭旨辦理緣由理合繕摺具

奏伏祈

皇上睿鑒謹

奏

田賦重務切須查丈清晰據實具奏以聞

同日又

奏為奏

聞事竊照淮北一帶向有山東河南僞梟私販因夥衆力強兵役明知不敢擒拏往往私販成羣肆行無忌臣至淮上即飭行各屬文武官員留心察訪如有梟販經由即刻稟報以便撥兵協力擒拏於本年六月初三日有積梟王祿安張二王四海胡美公劉貴李同等聚衆興販清河縣知縣李必成帶同典史汎弁率領兵役前往擒拏已獲梟夥八人復於柳園中突出多梟刦去夥犯兵役併力抵敵

致被扎斃兵丁姜必陳據該縣稟報到臣臣即當
夜差淮安城守營叅將烏麗珠等帶兵追擒伊等
聞追緊急捨棄私鹽分路潛逸隨密差員役查訪
各梟下落訪得梟犯葛順家住清江不遠料其來
家隨令裏河同知夏建德密差幹役伏於左右附
近地方次日夜間果獲王祿安使來探信之夥梟
葛亮吳七竝素曾同夥之朱六等供出王祿安等
已潛赴上江之盱眙定遠等處臣復選差能員幹

役帶同朱六等作眼懸以重賞分往各處緝捕仍
一面咨明督臣飭上江一體嚴拏隨於定遠縣地
方拏獲首梟王祿安臨淮縣地方拏獲王四海張
二盱眙縣地方拏獲楊三趙林等寶應縣地方拏
獲李同又劉貴竝同夥徐姓自料不能漏網隨到
江寧投首又陸續拏獲是日不在場之積梟十餘
人俱現在發司審訊嚴行定擬臣身任地方似此
大夥私梟未能盡息疎忽之咎實所難辭除被傷

兵丁及緝梟兵役分別給賞外謹將拒捕及拏獲
情由據實奏

聞謹

奏

此事朕早聞之羣梟拒捕肆無忌憚法紀何在要當緝
獲正犯重懲示儆倘以別案私梟逼勒供認希圖了事
則為無恥之甚矣試思地方大吏如果平時嚴明素著
縱有姦頑之徒何敢如是強橫事後但以疎忽之咎實

所難辭一語奏覆遂可以邀朕心之原恕乎其將已獲者審明定擬未獲者盡數擒拏不致一名漏網庶或少遮汝面之慚耳

雍正七年閏七月初九日蘓州巡撫協理河工事務臣尹繼善謹

奏為敬陳秋水情形仰慰

聖懷事竊照今歲荷蒙

皇上福庇伏汎安瀾已經恭疏

題報在案秋來水勢愈加平穩處處埽壩堅固隄工

初覽至此不覺心為之悸夫全河扼要正在於斯淮強
宸衷惟七月二十間湖水微弱黃河稍強回溜浮沙乘

則為治淮弱臣則為故若黃水過盛至於倒灌則其害可

勝言即幸賴風竝入惟恐淤墊運道日夜焦思隨疏通上源

神

明默佑使水無阻滯力濬清口使溜急沙行更於東水壩

何慶如之北建挑水壩使黃流順注百計經營不遺餘力

雖清水稍蓄而黃水相抵數日終未暢流竊念臣

宜宣謬膺重寄識淺才疏即一事失宜自愧宣防曠職

畧

仰賴我

皇上宵衣旰食敬

天勤民

至德感孚定荷

神明眷助如方可言因省過齋心竭誠祭告祈禱之夜即大雨

漂為嘉與

通宵清水陡長通身暢流抵禦黃波循軌東注運

道中已徹底澄清浮沙全去現在黃水日消清水

日長黃河埽高出水至少者五六尺運河水勢至

欽定四庫全書

硃批諭旨

卷二百二十三中

十

淺者大餘是從前黃強淮弱既免黃淮竝漲之虞
目下黃弱淮強又無浮沙淤滯之患緩急相宜實
為河工美事此竝非臣非汝能盡一念愚誠朕之一念愚誠即能昭格實我
聖主盛德之至有以潛通盛德亦何所藉而潛通也益信

天人感召捷於影響我

皇上諄諄教誨謂宜誠敬以迓

天和實歷歷其不爽也雖白露在邇水勢漸平然一念之
幸喜即足以起百念之憚弛臣惟有兢業存心慎

終如始表率各屬愈加勉勵以求仰慰

聖心於萬一耳所有水勢情形據實奏

聞謹

奏

天人之際有感必應其理顯而易見凡庸之流或昧理妄求以徇己欲則亦漠然弗應一不應遂以蒼蒼者為無靈而渺茫視之矣夫始以邀福之心繼以不信之見則亦何所不至故曰小人而無忌憚也然信生於誠誠者

無私之謂即聖賢克己復禮之功果誠矣信矣凡興一役舉一事必先盡其心殫其力謀之人聽之天而後冀有成功能如是將見人事盡於下

天道感於上不期其應而自無不應矣如但知人力為可恃及徒事祈禱以僥倖者皆井蛙籬鷄之淺見狹識均無足取天下事無論鉅細莫不皆然汝其勉之敬之試體驗之

同日又

奏為奏

聞事浙江總督臣李衛回浙寄信恭傳

諭旨海塘工程緊要令臣等上緊料理不可仍前草率

欽此仰見我

皇上保赤心誠務使一勞永逸之至意伏思松江海塘
縱不為國計亦當為身計即不惜百姓田廬亦當顧朕
動帑數十萬改築石工民命田廬所關甚重臣深
顏面通來欺君誤民輩俱獲報不爽乃三年內事也前
鑒從前之失必圖萬全之計悉心籌畫竭力經營
車之堅不遠敬謹料理勿忽
但此帶塘工計長四千數百餘丈需石二十八萬

六千餘丈不難於興工修築而難於採取石料去
年會議之後臣隨委多員往各山採辦正值水凍
之期不能採鑿至二月春融開採以後差檄交催

此論

不遺餘力據各員紛紛具稟以此番所採石料務
在寬大合式不比從前短小條石易於採辦故一

大小

之分也一時難以多得是言歟凡遇斯等詭譎

之辭

當即面斥其非方不被屬員之所輕蔑見理不明

為人

山督催并因蘓松附近山宕產石不敷採用委員
往浙江山宕竝宜興等處募匠開採連前所開共

有八處山宕將來石料自可源源運工已令俞兆

待言

岳先築樣塘各員俱陸續照築臣又思塘工要在

成員

根基堅固必簽椿深入始可負重彼處土人未能

甚是

諳練已派撥河工久諳之夯礮手令其赴工如式

雖遠在淮北荷蒙

聖主委任深恩從未以鞭長莫及稍為卸責凡有片刻

知必

餘暇必盡心經畫而署撫司道諸臣相離塘工較

上
答鑒

近見聞照也勉之尤易呼應更靈臣是以移咨檄飭殆無虛

日以冀同心協力相與有成誠恐上厪

聖懷理合繕摺奏

聞再遠近居民聞

皇恩發帑為百姓謀安全為萬世計利賴莫不歡欣鼓

舞感戴

聖明而松江一府逼近海濱尤為踴躍聞有情願捐助
捐助二字朕甚不喜其中弊端難以枚舉鄉官巨室有
工程仍自備資糧在工效力者臣思塘工事務若

願捐

者亦常聞

列奏請得旨後方令從事

若謂居民踴

躍

得

旨

後

方

令

從事

若謂居民踴

得

本地

人員

效力

一切

工匠

夫役

辦料

事宜

尤易

雖捐

力捐資斷斷不可從前屢次降諭甚明所當再四

料

理俟其具呈到日臣當咨會署督撫臣公同商

酌

如事在可行另當會

酌

如事在可行另當會

酌

如事在可行另當會

酌

如事在可行另當會

料

理

俟

其

具

呈

到

日

臣

當

咨

斟酌

者

如事在可行另當會

酌

如事在可行另當會

酌

如事在可行另當會

酌

如事在可行另當會

酌

如事在可行另當會

酌

題請

旨合先具摺

奏明謹

奏

覽

雍正七年九月初六日蘓州巡撫協理河工事務

臣尹繼善謹

奏為敬陳秋汛安瀾事竊臣前因伏汛平穩具摺陳
奏欽奉

皇上硃批

訓誨夙夜兢兢勉勵各屬交相儆惕於各工多備料物
多積土牛河灘產草甚多約得三四百萬束用以
鑲墊工程勝於秣稽且近在工所緩急便用臣已

遍發刀工令其全數搜採源源濟工又恐各工汎地綿長汎員不能兼顧兵丁未免偷安因分派効力人員按工防險以備秋汎自閏七月十五日以後寧夏連報秋水陡長至八月初旬黃水驟大比伏汎高四五尺臣當此際寢食俱廢夢寐皆驚住宿工所上下接應分委能員晝夜往來巡查搶護幸料物有餘水勢逐日加長而工程亦逐日增高尤仰蒙

聖明指示恐秋水加大今年天然壩總未開放以故淮
水勢均力敵雖淮黃交會之處清水阻滯數日不
能暢刷黃流而黃流被清水抵禦亦不能涓滴入
運仰賴

神明默祐

聖主福庇於八月二十後黃水退消十日之內漸消三
四尺工程處處平穩湖水比去年大二尺現在逐
日加長運道清口通深暢流今時值霜降水勢安

瀾敢謂幸保無虞稍萌肆志第念臣愚魯無能仰蒙我

皇上提撕誘掖教誨諄諄諸事敬謹遵循庶幾少免隕越臣不勝惶悚戰慄感激

天恩之至臣現在起程查看宿桃邳睢工程隨往徐州謹

奏

欣悅覽焉今歲朕之憂慮河工倍於往昔茲秋汛已過

全河幸保無虞皆爾忠誠之念有以感召

神明默佑之所致也孔毓珣不日南來汝職雖協理毋得私毫推卸倘孔毓珣弗肯殫心竭力涉於瞻顧因循汝其進言規勸并一一據實奏聞

同日又

奏為奏明事竊惟河道工程關係甚重河工錢糧難容虧缺查有各項虧空年久未參者甚多一面勒限嚴催經臣繕摺

奏明俟逾限不完即行叅追隨又逐案細核通計未
叅虧空銀八萬兩有奇或係核減或係節省或係
認還借欠或係蕩柴價值因從前未經叅追承追
者視非部案不肯上繫而虧空人員亦遂任意捱
延以致數十年積案累累不能清結臣查此等銀
兩雖與實在侵蝕者不同但總係庫帑虛懸豈容
怠玩且細加察訪多係有著之項因竭力查催自
二月至今已陸續完過銀四萬餘兩尚有四萬餘

兩未經完補而各員視為未破之項有觀望因循不肯上緊者有本人早已陞遷他往者且有家口已經回籍者若不

題明定限行催終久必致無著臣現在具疏

題叅請勒限一年追完如再不完即革職離任究追嚴查產業抵補再從前已叅各案虧空臣到任後追補過銀一萬二千餘兩查出田房等項約值銀一萬數千兩咨查各處原籍家產尚未覆齊現在

逐案辦理亦照江省虧空一體清查至於各廳歷
年庫貯除桃源廳張充國署山盱廳鈕天麟虧空
銀兩業已特疏

題叅究追外其餘委員徹底盤查已漸次清楚又責
令淮徐淮揚二道逐一清盤不使徇隱臣蒙

皇恩委畀重任惟事事均期實在不敢一毫苟且上負
高深理合繕摺

奏明謹

奏

可嘉之至但能一無瞻徇秉公執法何事弗克辦集也如是居心豈止被朕獎許必蒙

上天之庇佑矣勉之勉之

同日又

奏為恭報秋成事竊查今歲江南地方風雨調和四境大熟各種齊收連年共慶豐登今歲秋成更稔現在米糧價值每石六錢至八錢不等比戶盈寧

羣黎樂業此皆我

皇上敬

大勤民至誠感孚之所致也臣身膺民社職任宣防仰賴
聖主福庇淮黃奠定百穀用成臣無任歡忭之至茲據
各州縣具報前來臣細晰府州分數另行開摺恭
呈

御覽伏祈

睿鑒謹

奏

覽江省秋成豐稔情形朕懷深慰汝等督撫但能秉心忠誠布政平允未有不上感

大和克致休徵者覩此應驗捷如影響當愈加寅畏勿稍涉驕矜朕亦如斯期共加勉欽哉

天地生成之德

聖祖垂庇之恩寧敢負乎

奏為據實奏

聞事竊照知府一官有監臨州縣之責必須持身端正
操守清廉始足以表率屬員而於地方事務方無
廢弛有揚州府知府楊繼椿者性情貪鄙罔卹民
瘼無論臨民接物凡事刻意苛求商民咸畏其威
無不極意逢迎以厭其欲而冀免於禍揚州裏河
仙女廟鎮有閘通揚子江繼椿遣其門人苗相功
把守閘口盤查私貨鎮上居住之監生旋元乾家
資富厚廣好交遊即與守閘之苗相功彼此往來

遂將元乾富厚情形聞於繼椿繼椿即令苗相功
轉向元乾陳說繼椿利害并言以禮交際極可親
近之狀元乾因浼苗相功說合於今年六月間備
銀一十二百兩拜為門生隨禮一百二十兩把門
家人李兆元收繳維揚巨室以及商賈聞風莫不
趨承恐後六月二十四日紳商樊經汪晉德馬裕
等延請繼椿設席方園因時天旱書辦進牌禁屠
把門家人傳諭今日赴席另期祈雨竟往就酌演

戲引觴盡歡而散由是朝飲暮樂殆無虛日此繼
椿六月內之近事如此由前而論則依官嚇詐違
禁擅收門生也由後而論則視宴樂為美觀置民
瘼於不問也臣思人臣事

君之義理宜精白乃心奉公勤職庶不負

楊繼椿係李維均保薦之員未歷原屬不正尚未料其

聖明委任至意今揚州府楊繼椿所行所為臣既聞見

負恩至於此極

甚確不敢不為據實奏

聞謹

奏

有人叅奏楊繼椿如此貪鄙汝其確訪嚴叅以為溺職者戒朕觀所奏款跡鑿鑿十有八九毋因從前失於覺察而少為回護將朕此諭亦密令范時繹知之事果不虛一面具疏糾劾一面拏禁任所贓私即行查封原籍產業咨明晉撫勿使轉移庶不致得以施其三窟之伎倆也

雍正七年十月十三日蘓州巡撫協理河工事務

臣尹繼善謹

奏為奏

聞事竊臣齎摺家人回南恭奉

皇上發出

硃批奏摺為叅奏揚州府知府楊繼椿貪賊玩法奉

諭旨令臣留心訪察嚴叅不可因失於覺察少有回護

臣欽遵密訪除奏摺所叅款跡外更訪得有貢生
項立高拜為門生送銀一千六百兩又繼椿家人

偷運贓私回家在途被盜打劫并任用書辦在外招搖納賄各款臣訪聞既確隨一并入疏

題叅一面將繼椿拏禁差員查封任所竝密移山西撫臣嚴查原籍家資務將所得贓私逐一追出即使稍有隱漏以為負

恩者戒臣蒙

皇恩簡畀重任地方有此婪贓壞法之員不能及早覺察此實臣之愚昧無才仰荷

聖恩原宥不即嚴加譴責

命臣訪察叅處實不勝愧赧悚懼之至謹

奏

如此方是地方遼濶屬員衆多焉得事事早覺人人預察但一有覺察即不姑容夫何過之有

同日又

奏為奏明事竊據署撫臣彭維新查出江都縣知縣陸朝璣住居蘓州地方先曾充布政司衙門書辦

改冒浙江籍貫由監生捐納補授江都縣知縣未
行呈首咨送題叅會彙到臣查官員例應迴避本
省况先充本省上司書辦乃竝不呈首理應

題叅但該員居官幹練辦事明敏留心察訪實理繁
治劇之才署撫臣彭維新疏內并叅其用刑未免
過重民有怨言實屬未確臣思人才難得正在繕
摺具

奏間適浙江督臣李衛過淮論及該員居官亦云此

當公同奏

聞臣謹據實具

奏伏祈

皇上睿鑒施行謹

奏

冒籍行已不端不首更屬藐法縱有理繁治劇之才亦
才勝於德之小人耳何足深惜前於范時繹奏聞摺內
業經明白批示汝試詢之凡遇此等事件祇應依律處

斷以申明功令為是奚容猶豫若稍存違道干譽左袒
屬員之見被衆窺破目下雖邀稱頌虛聲將來必至諸
務廢弛斯一節乃為督撫者所宜切戒

雍正七年十二月初四日蘓州巡撫協理河工事

務臣尹繼善謹

奏為奏明事竊照江省徵收漕糧積弊多端上厯

聖懷特頒

諭旨聞

命之下殊深惶悚臣日夜圖維留心體訪凡民間完漕
耗費州縣辦漕需用以及旂丁輓運用度細細察
按務期與漕務官民均有裨益方可永遠行之無
弊查鄂爾泰先任蘄州布政司時曾有每石收漕
費六分之議內一半幫給旂丁每船銀二十兩一
半給州縣為辦漕之用臣通盤合計在從前旂丁
抵通過淮浮費甚多原不敷用今蒙

聖明已將旂丁一切浮費禁革伊等原有行月錢糧又

加額編五米十銀每船再幫銀二十兩儘足用度
旗丁既有定規州縣不被勒索有此三分一石亦
可辦公即民間完納漕糧每石止令交費六分一
切耗米斛面盡行禁革亦不為苦臣在清江時即
經擬定規條聞署督撫諸臣因先奉

諭旨發鈔奏摺內開有江省收漕每石應收漕費三分
官吏多收六七分不等之語欲避此名色署督臣
范時繹行司議詳每石止許收費三分署撫臣彭

維新飭令每米一石准其折扣九斗臣查九扣收漕每石已加米一斗一升怕存六七分之名陰行八九分之實小民豈能受惠此議斷不可行至若每石收費三分以一半給旂丁每船止得銀十兩以一半給州縣每石止一分五釐一切鋪墊人工腳價實不敷用夫處事必求其當立法務在可遵若矯枉過正雖小民一時感頌而公事難行將來勢必復增况奏摺所稱既收費六七分又復加米

兩項合計實在浮多如米糧不許升合加增僅收漕費六分原屬官民兩便臣隨咨會署督撫及漕臣商定畫一收費六分通飭遵行再向來隨漕收取餘米最滋弊混易於侵冒其常平社倉捐穀一項原係勸民樂輸而近來竟隨漕勒收亦一併飭禁至旗丁既經定議每船幫銀二十兩自不許仍向各州縣勒索而州縣又向有呈送各衙門徵漕陋規近年以來雖院司道府衙門已俱不收取其

監兌押運等官以及吏役催漕人等仍有浮費若
聽其因循則弊不除根州縣仍得藉口亦一并條
分縷晰出示嚴禁今歲法令之初猶恐官吏奉行
不力臣督率司道各官俱時時加意處處留心除
玩法之興化縣等已經嚴叅鎖拏各處現在密行

查訪明加儆戒務期漕弊肅清以仰副我

皇上甚為可嘉欣悅覽焉惠愛黎元至意事關吏治民生時厯

睿慮理合

奏明伏祈

皇上聖鑒謹

奏

辦漕一事籌計精詳識見確切洵屬允當之至即照所議定為成憲永久遵行可也

同日又

奏為奏

聞事竊臣回任後接到浙江督臣李衛來咨內稱沿海

等處有自稱俠士豪傑學習拳棒造作符咒陰謀
不軌者移臣一體協拏臣隨差幹員將咨開各犯
陸續密拏獲解於所獲無錫之范龍友處搜出書
籍係道家行功畫符之法繼復節次准咨續拏各
犯有係蘓城踰匠拜把結盟之二十餘人當即拏
獲竝搜出結拜盟單又李衛令臬司馬世圻拏獲
賣卜并講坐功之張云如於伊家搜出往來拜帖
姓名內紳衿鹽商旗民不等共五十餘人移督臣

范時繹就近嚴查督臣已將揚州商總程兆庚并
原任翰林唐建中等提拏臣現在密加根究將未
獲各犯設法查拏一面密諭地方各官善為奉行
勿使輕舉妄動惶惑人心事關地方理合奏

聞除搜出道書已經浙省差員帶去謹將追出踴匠盟
單抄呈

聖覽謹

奏

凡李衛移咨查緝人犯務須照數捕解若致一名漏網
汝等責有攸歸慎勿泛泛視之也錄呈盟單之意朕殊
未解

雍正八年二月初三日蘓州巡撫協理河工事務

臣尹繼善謹

奏為覆奏事竊據原任蘓州巡撫陳時夏叅奏泰州
知州褚世暄挑河冒帑誤工郎中程夢瑛捏報驗
收范時繹鄂禮不肯會稿題叅奉

旨將奏摺並議覆摺片令臣秉公查奏交發到臣伏查
原任泰州知州褚世暄承挑中昏竈起至王家港
海河工程三千一百丈於去年六月報完嗣據呈
稱工近海口連日大雨油沙泛漫間有淋卸淤淺
詳請查驗等情鄂禮陳時夏赴工查驗河身浮沙
淤淺兩岸坍卸不能如式之處逐段丈量飭令該
州撈浚修整隨據監督河務郎中程夢瑛具詳驗
明如式一律深通等語陳時夏謂褚世暄冒帑誤

工程夢瑛代為捏報欲會稿題叅鄂禮以海河浮沙易淤其不合式處已責令修整况錢糧竝未領足程夢瑛既有一律深通之詳尚未親往覆勘即便即行叅奏及與范時繹會稿范時繹以諛州曾經報明油沙泛漫雨水淋卸已令如式修浚與冒帑者異行令淮揚道確查淮揚道查明兩岸原係雨水淋卸河身已重浚深通俱合原估報明范時繹因遂咨覆陳時夏免叅此事厯厯有案可稽有

工可驗范時繹鄂禮不肯會稿竝無徇縱之情弊也其所奏褚世暄扣剋工銀高擡錢價及承挑各員土方不發足九分之處臣查挑土工價定例每方銀九分開工之後遇有陰雨重複戽水或有淤卸復行修濬或人夫透領逃走另行雇覓俱在九分之内凡河工人員即廉潔自好者亦必不能於挑土夫工發足九分不得以此槩指承挑各官為侵蝕但細加查訪褚世暄任用幕友家人作弊勒

指工價侵扣戡頭折米給夫高擡價值實有扣尅
帑銀苦累夫役之弊臣已行令揚州府將伊家人
幕友等嚴拏究訊俟審明之後將不行查出揭報
之程夢瑛一併

題叅嚴審緣奉交臣密查事理實無情弊之事臣不
敢附會確有作弊之處臣不敢欺隱理合將前後
情由據實奏

聞謹

奏

覽奏已悉程夢瑛前據范時繹破格保留此外居心行事何如果係可用之員否假若謬誤處少勤幹處多則當功過相抵權宜處置豈因其稍失檢點而遂棄一能吏乎

雍正八年三月二十二日蘓州巡撫協理河工事

務臣尹繼善謹

奏為

聖治漸摩民風敦厚據實奏

聞事竊惟民俗闕乎治化

聖世必有仁風我

皇上建極綏猷厚生正德煌煌

彛訓誥誥多方凡所以正人心善風俗者固已無微不至周而無遠之弗屆邇年以來萬邦協和四方從欲山陬海澨咸講讓而興廉村婦耕夫俱向風而慕義即江南民俗素尚浮澆鮮敦實行今則沐浴

天恩靡不淪肌浹髓薰陶

聖教亦知草薄從忠有能睦族好義如蘓州府吳縣侯
選知州范瑤者係宋儒范仲淹後裔也仲淹當日
曾置義田贍養宗族海內皆知范氏義莊子孫至
今世守近因支派繁衍給用不敷范瑤家非素封
所有之田不過一千餘畝乃能自甘澹泊捐田千
畝歸入義莊收租贍族據范姓合族公懇飭縣推
收存案具呈前來臣伏讀

聖諭十六條有曰敦宗族以昭雍睦

御製廣訓有曰置義田以贍貧乏去年又

特頒諭旨教富戶以睦婣任卹周濟貧乏之道而范瑤

仰遵

聖訓遠紹前徽以萬金之良田為合族之公產此實由
我

皇上至德感孚聲教洋溢是以化行俗美羣黎徧德三

吳士庶莫不聞風興起詠歌

盛世傳為美談臣目擊其事不敢壅於上

聞應否具

題恭請旌獎以示鼓勵未敢擅便謹

奏

地方上偶一善事何得遽云化行俗美羣黎徧德題請旌獎鼓勵義風則可不須如許張大虛詞耳

同日又

奏為奏

聞事竊照私鑄錢文屢奉

諭旨嚴禁臣因江省用錢有雜錢攬和恐地方潛匿私

鑄嚴行稽察臣復密加察訪聞有吳江縣民周寧

書私鑄販賣一面遣員搜查即獲私錢并私鑄器

汝查

具又另獲私鑄人胡文忠隨提究訊當據供出私
獲此案私鑄洵屬可希李衛前已奏聞矣勉為之
鑄之汝堯年汝晉培蔣文忠錢士眷等皆係積年

私鑄棍徒均經拘獲其蘓州鎮江淮安各處販賣
之人亦分別查拏逐加追究俟訊明分別私鑄年

月將失察地方各官

題叅外再審訊各犯據供伊等所鑄俗名鉛錢本地不用俱係江北客人販去而江北客人攜帶南來則為沙板錢係鳳陽府亳州並山東地方所鑄等語臣亦現在究訊住址差人訪拏并咨會山東安徽撫臣嚴加查緝一體嚴禁查雍正四年二月內定例通行直隸各省多張告示令經紀鋪戶人等將私錢赴官首明量給官價使私錢不行則私鑄

自息立法誠為盡善因雜錢攬用日久地方官不能善為開導實力稽查各處尚在公行今各省現開鼓鑄若不設法查禁制錢不得流通似應再行定限曉諭首報凡有私錢盡行交官自限滿之後不許攬用一文違者照例治罪庶私錢不得攬用私鑄方可止息但此必得各省畫一遵行方能共收實效伏候

皇上睿鑒謹

奏

據奏私錢如不設法查禁制錢不得流通等語此論非也蓋私錢之未淨盡緣制錢不敷所用故耳直省莫不皆然今若不揣其本而齊其末一味峻法繩治是使小民無錢可用矣故曰私錢之禁嚴與寬須視制錢之敷與不敷至制錢敷用時然後齊之以法則私鑄自當止息否則徒滋紛擾究屬無益京師從前經收小錢晉撫伊都立亦曾請禁雜錢旋即中止而反致錢價大昂斯

即明驗茲令各省收黃銅開鼓鑄之意正為此也所奏
必待錢價大平方可舉行目前不宜急遽况府縣守令
現俱清查積欠亦難分身兼顧為今之計但當禁止盜
銷私鑄各省督撫若果實力奉行不數年後朕可保錢
法必能畫一也

同日又

奏為奏明事竊臣先於署撫時因查吳存禮虧空銀
四十餘萬兩開報產業無幾將伊在蘓家人提究

止據開出借欠餽送等項臣以吳存禮歷任貪婪
必有隱匿財產當即具摺請

旨將吳存禮長子甘肅遊擊吳永年解蘓究審又准部
將吳希聖等押解來南臣於去年十一月回任此
案尚未審定隨將吳永年吳希聖等嚴加審追據
伊等供出在京并江南高郵吳縣等處地畝房屋
又各名下首飾什物人口等項以及吳永年吳希
聖自行餽送各人員銀物臣再行嚴究此外有無

隱匿資產將餽送各項內含混不明竝實在無著者逐一校正分晰具

題再吳永年等在監臣令人不時察其動靜以便根究茲於監所檢出去年來時於途中寄往陝西家信底稿內云涼莊道殷邦翰永昌縣楊汝梗將我家中物件留下應允幫助又云上京驟轎駝子要少所有物件就在彼處變賣免致招搖家人留幾家住陝等語查虧員子孫奉

似此

千口有無挾資潛匿并咨會該旗吳永年家口回
秉公執法方不負朕之任用也勉之

旗即行搜查根究又據吳縣知縣吳棟查稟松江

提督柏之蕃差家人來蘓四次送吳希聖等銀三
百兩地方大吏於監禁重犯著人來往送銀甚屬
不合相應一并奏

聞謹

奏

覽栢之蕃餽送銀兩之奏朕不覺愕然以地方大吏如此周旋監禁重犯是何情由所以用人苦衷惟

上天鑒之耳再如范時繹馬世烜近日心行豈不出人意外乎范時繹姑置不論馬世烜蒙朕赦過棄瑕之恩不思致身圖報而乃為私徇匪徒之舉世情難量有如是夫汝等切勿以少年意氣過信於人須步步留心體察方能辨別姦良若稍涉疎畧未有不貽後悔者固不可

以小人之心度君子亦不可以君子之心待小人誌之
雍正八年四月二十四日蘓州巡撫協理河工事

務臣尹繼善謹

奏為據實陳明事竊據御史鄒光濤條奏江南漕糧
一事奉

硃批鄒光濤如此條奏汝可查議奏聞應整剔者加意
辦理禁革如所陳荒謬不實明白回奏以聞欽此將
原摺交發到臣捧讀之下不勝惶悚伏查江南徵

收漕糧從前積弊多端州縣加二加三貪取無厭
旗丁每船五六十兩需索不休且上下衙門層層
俱有使費臣去年將陋規痛革每石定收漕費六
分以三分給州縣以三分幫旗丁收米平斛响攬
不許多取升合各屬兢兢守法糧戶咸感

皇恩完漕最速開兌獨早此衆耳衆目共見共聞乃鄒
光濤以此六分之費加以科派之名臣實不勝駭
異竊思各省糧米之有耗費猶之錢糧之有耗銀

州縣藉以為修倉鋪墊人工腳價之資旗丁賴以
為增補棚索添雇水手等項之用此公事之所必
需而勢不容已者今光濤以為科派勢必粒米毫
銀不取於民使州縣不能辦漕旗丁不能挽運公
事坐誤如何可行且謂耗米已經編入正項此言
更屬不經其所謂耗米者必指五米也查五米隨
漕徵收隨正報銷由來已久此係支給旗丁之款
竝非歸入正米之耗光濤竝不細查而輒加以歸

耗入正之名其意何居至於漕糧定例十月開徵
歲底完兌臣去年十一月初九回任各屬多未開
倉星夜催督糧戶衆多擁集交納即使隨到隨收
守候勢所不免乃謂揀選米色有累於民殊不知
皇恩浩蕩已准紅白兼收而

天庾正供亦湏米色乾潔若只圖百姓感譽不論米之
好醜令一槩全收不但難以受兌亦且縱長刁風
鄒光濤以為挑選米色即是累民即是作弊此偏

私之見不近情理之論也鄒光濤係臣同年去歲入都路過清江再三求見問以地方之事則大不足於署武進縣王喬林臣素知王喬林居官係州縣中之出衆者問其有何劣跡則止云居心太刻執法太嚴語言之間深怨其相待寡情止送盤費二兩臣知其挾私誣陷以言拒之頗有愧色臨別又求臣多贈以有同年之誼些微資助拂意而去此人之行徑如此臣非欲掩已之非攻人之短我

皇上明竝日月

硃批荒謬不實早已洞鑒其心臣之一舉一動難逃
至聖之照臨自亦無庸置辨惟有愈加儆惕愈加黽勉
以求仰報

高深於萬一耳謹

奏

朕向曾有旨地方大吏凡遇親友請託皆直據其事密
以奏聞諸臣果肯實力遵從惡習可以永杜如此誠諭

不啻再三日前有行之者朕俱顯示獎勵汝豈未之聞耶試思置辯於今日何如奏聞於當時經此一番仍不愧赧銘座書紳以為終身之戒至受累時追憶朕諭但祇自怨自艾慎毋尤人為也

雍正八年六月初三日蘓州巡撫協理河工事務

臣尹繼善謹

奏為奏

聞事查得崇明縣地方孤懸海外民俗強悍動輒生事

有鄉村佃戶以業主催討麥租緊急聚集喧譁強
勒閉市臣思民間種地完租乃分內之事豈容刁
佃頑抗即或麥秋稍薄亦應求業主情讓何得聚
集不法臣於揚州舟次聞信其為首之人已訪知
名姓一面委員飛查一面檄飭蘓巡道親赴該縣
地方查拏嚴究聞該縣知縣祖秉鎮沽名邀譽竝
不約束查拏且有即抄搶富戶我知縣亦不管之
語明係有心故縱慝愚生事近訪得該員居官操

守亦甚平常現在一并確查似此營私廢法縱惡
長刁之員實堪痛恨俟查復到日當即具疏嚴叅
拏究又佃戶傳帖內有惡戶施大受將美女金帛

施廷

送施總兵通家往來倚勢多索麥租等語總兵施

有之

廷專年少輕浮而兼寡識於此等處操持不固客或甫經到任揆之情理似難憑信但既有此言

臣亦密察虛實事關地方合先繕摺奏

聞謹

奏

確查起釁之由如該令果有故縱實據具疏嚴叅可也
雍正八年十一月二十四日蘓州巡撫協理河工
事務臣尹繼善謹

奏為恭報瑞雪事竊照淮徐一帶民食全資二麥今
秋收成歉薄惟賴春花被水地方蒙

皇恩浩蕩蠲賑宏施比戶寧居羣歌樂利臣令州縣勤
宣

聖德勸諭各鄉農民及時種麥正在播種齊全於十月

二十一日徐州地方得雪五六寸邳州宿遷海州
沐陽等處得雪三四寸淮安清河得雪二三寸再
海寧鎮江等處亦得雪一二寸似此瑞雪應時民
生攸賴皆我

皇上保赤心殷至誠感召之所致理合繕摺恭報謹
奏

微雪沾潤且又不過江北數處何須大言矜肆嗣後似
此虛飾之文更勿復爾誌之

同日又

奏為奏明事竊惟各省虧空積案累累蒙

聖恩浩蕩格外矜全凡雍正三年以前之事分別情罪酌量寬免現在各省陸續造冊送部查核臣思虧空冊籍必須徹底清晰而已完未完最易乘機朦混其最易朦混之處不在銀兩而在產業蓋入官產業有已估而達部者有估而未達部者有雖經報出尚未估定者有已經開報因未勘估尚係本

人管業者有本省虧空等案究出外省產業移咨
尚未確覆者有外省虧空等案咨查原籍查明產
業尚未知會者并有虧空等案開出借欠而借欠
之人復將產業抵報者各案產業種種不同雖前
准部咨令將已完之數不許隱漏却未指明房產
而無知之人即疑所謂已完專指銀數未免妄生
希冀嗣奉

諭旨恩免各案部文內雖聲明已經估報產業催令速

變而人即以為未估產業似不在應變之列又有
部文內但渾言某案寬免未經聲說產業而人混
以為產業均在邀免之內議論參差以致地方官
意見不定紛紛請示臣思我

皇上如天之仁有加無已為臣子者自當事事仰體
聖心而帑項所關亦宜加意慎重臣逐案細查除本人
未交銀兩未報產業並開抵借欠未遽交出銀兩
報出產業者俱作未完外若田房產業已經報部

者固作速變價未經報部者亦入冊咨明已經估
定者固即扣清完數未經估定者見催確估歸除
其未准部文但准各省咨追者亦將查出產業咨
明各省以免歧誤本人開出借欠而借欠之人據
報產業抵補者仍在借欠項下登明以免遺漏總
期無隱無欺無枉無縱臣知識愚昧通身籌畫徹
底推詳知其中頭緒紛繁倘心思稍有未到奉行
稍有不善或將未經估定達部之項退還本人或

將外省咨追案內已有查出產業因未咨明外省
無可對證從寬沉閣屬員乘機朦混書吏借端撞
騙所係匪淺事關各省臣既有所見曷敢不詳悉
陳

奏仰懇

聖明裁酌敕諭該部行文督撫凡虧空咨追贓罰各案
已完未完查核確實該部分晰詳明具

奏將應免不應免之項明白知照畫一遵行則於

國帑民生兩有裨益矣謹

奏

此奏可謂情理兼得尹繼善不避嫌怨實心任事深為可嘉但若照依所奏固云杜絕朦混之弊而奉行不善則開官吏留難之端既不令姦貪者於朕恩免之外得以僥倖遺漏又不致不肖官吏借詞需索高下其手方為盡善該部悉心斟酌詳議具奏

雍正八年十二月初八日蘓州巡撫協理河工事

務臣尹繼善謹

奏為奏

聞事竊照邳徐淮海一帶蒙

皇恩浩蕩發帑賑卹兩月口糧已於十一月賑完又蒙
皇恩軫念寒冬加賑一月現在倉糧撥運齊全臣會同
侍郎臣馬爾泰等定於十二月十六日開賑已多
派妥員協同州縣料理俾窮黎歲底新正得有接
濟從前被水之初無業小民一時倉皇間有外出

者後皆陸續歸里雖賑銀已竣臣酌撥公銀給發
州縣現令查明照數補賑加賑米糧之時亦一體
入冊給領使得共沐

皇仁間有外省之民來至江省覓食者時屆深冬寒冷
若一時遣送回籍長途跋涉實滋苦累臣同馬爾
泰彭維新悉心商酌飭發公銀令各州縣暫行撫
恤聽其謀食俟天氣和暖再酌量送回目下淮揚
米糧每石九錢一兩不等徐邳一帶小米一兩上

下糧價不甚昂貴臣已撥定揚州鹽義倉米穀令
州縣領運俟賑濟之後繼以平糶源源資助務期
緩急得宜民生有益謹

奏

料理甚屬允協至於外省流移所謂率土之濱莫非吾
民自當一體賑恤何分彼此惟飭諭屬員實力奉行為
要耳

雍正九年六月初六日蘇州巡撫協理河工事務

臣尹繼善謹

奏為敬陳清查情形仰祈

睿鑒事竊江南積欠奉

旨清查

訓諭諄切務令官侵役蝕民欠徹底分晰以清積弊以
除民累又蒙

恩施格外准其自首臣等謹遵辦理多方開導其吏役
之感恩畏法悔悟自首者甚多而不肖之徒又往

往詭計百出或本係侵蝕而誘哄糧戶認為民欠
或已經自首而希圖翻案捏造浮言又或掩藏實
在侵蝕而反將民欠混首搪塞以淆人之耳目查
辦之員少為寬鬆未免被其朦蔽一加嚴切又至
過當失中二年以來自首查出之數已至四百餘
萬其情弊確鑿者原無可更易而其中或民間記
憶不清或吏胥心懷畏惧印協各員不能詳細剖
晰虛衷體察間有以民欠混入侵蝕者臣思除弊

之道不可不盡亦不可不實不盡則姦頑得以漏網不實則良民竝受苦累臣悉心採訪因與總理諸臣再三商酌於二月內通飭分查大員督率各屬細加分別除侵蝕有憑有據有與有受實對明白者不許任其翻騰狡展外或其中稍有游移纏混之處務必推敲確實秉公改正不得捏飾朦混三四月間據各分查稟報遵循按改惟常州所屬頭緒更繁分查馮景夏盡心竭力不辭勞怨而錯

認之處未免膠執臣秋審後在常親身料理分派人員抽圖查對喚圖書糧戶質訊擇其侵蝕項下之毫無確據者俱一一改正使經承圖差之實在侵蝕不得混淆而於清查案內生事嚇詐之蠹書已訪確拏究現今造冊之時各處俱在磨對更正不敢怠忽草率此係臣等應準情度理料理之事未敢煩瀆

聖聰今蒙

恩旨教訓務令分別確當不可使民欠混為侵蝕皆由
臣等辦理未妥以致上厪

聖懷惶悚之下愈加儆惕現在通行嚴飭督率各屬細
加核實務期無枉無縱約於七八月內可以完竣
臣謹將遵

旨辦理緣由繕摺奏

聞謹

奏

朕實代汝等愧之但人心之不同猶如其面汝等具何心思具何面目朕則未之知也

雍正九年八月二十一日署理江南總督蘓州巡撫臣尹繼善謹

奏為恭謝

天恩事竊臣質本庸愚事多未諳荷蒙

聖主深恩畀以江蘓巡撫重任涓埃未效正切悚惶驚聞

三十一
卷二十一
三
寵命令臣署理總督印務益深凜惕伏思總督統轄三省調度文武經理疆隅訓練士卒責任愈重仔肩愈難愚昧如臣自分何以勝任惟有俯竭駑鈍自矢愚誠心力所能到者不留有餘即心力所難周者亦黽勉學習斷不敢存絲毫怠忽苟且之念有負

養育造就之深仁八月初四日署撫臣王國棟到任臣將辦理事宜地方情形屬員賢否一一詳悉告知

於八月初八日自蘇起行至瓜洲查勘江工一面
約河臣嵇曾筠同至工所面籌保護之法並商酌
駱馬湖高堰各處工程再丹徒丹陽清查將竣臣
親行查核尚有辦理未妥之處恐分查道朱鴻緒
回護前非又令郎中張勤望帶同委員料理更正
今於十五日到江寧任所江蘇之事係臣經手不
敢因署理總督即欲總其大綱稍生推卸凡事無
大小自當與署撫臣同心協力料理其上江江西

臣初到任雖未知其詳但訪查大槩須整頓之事
尚多自當悉心籌畫次第辦理叩懇

聖恩指示訓誨俾臣祇遵奉行地方幸甚微臣幸甚所
有感激下忱理合恭摺

奏謝謹

奏

能矢志以自警策固善凡百一無欺隱尤所當務蓋蹇
蹇匪躬之義言不為身謀也可不勗諸

同日又

奏為請換老邁之總兵以重地方事竊查整飭營伍
訓練士卒甚為緊要臣蒙

皇上隆恩身膺三省重寄一切戎政亟應竭力整頓而
相助為理全賴總兵一官現在崇明總兵李燦為
人勤慎辦事用心頗能督率料理狼山總兵王安
國為人雖甚朴實但年已七旬精力不及諸事未
免懈弛昨來蘓相見臣因其老於營制與之詳細

考究不但毫無籌畫竝其所管地方多不記憶屬
員賢否不能周知海疆關係甚重狼山所轄又甚
遼濶非老邁之人所能勝任臣不敢因循謹據實
奏

聞仰懇

聖恩另簡賢能之員庶於地方有益謹
奏

所奏是朕一見王安國知其為庸愚無識之人及考其

歷任以來竝未見有錯誤處是以姑留至今此缺甚難
其選候朕斟酌有旨

雍正九年十一月二十九日署理江南總督蘓州
巡撫臣尹繼善謹

奏為奏明事竊惟江蘇漕務蒙我

皇上諄諄教誨臣實力遵循悉心籌畫邇年以來官吏
弁丁方知奉公守法新糧道甘汝來現因給假在
籍未得赴任馮景夏清查雖竣糧務業已經手是

以尚未赴江寧布政司之任現在藩篆係驛道陳
弘謀署理為人明白實心任事於吏治頗能整頓
上江漕務雖經前撫臣魏廷珍酌定每石加一收
耗但積玩成習弊端甚多臣現與撫臣嚴加察訪
徹底清釐不肖吏胥始稍知有畏懼署理江安糧
道王恕奉

旨令臣等時加察看據實奏聞臣留心體察王恕操守
謹飭辦事細心但才情稍覺遲緩臣隨事策勵勉

其不逮尚可供職無誤至於文武屬員臣凜遵

聖訓處處留心體察時時諄切勸勉以期澄清吏治但江西相隔較遠向來惟武職調考文職俱不赴驗雖居官之賢否固可留心考查但總督有統轄之責而屬員從不識面惟憑文檄往來終覺間隔臣愚以為一江上下不甚相遠除州縣繁多應免調驗外其知府甚屬緊要自當輪流赴省驗看一次既可詳問事宜亦可隨事開導庶於察吏有益伏

祈

聖恩訓諭欽遵謹

奏

時有忙閒地有遠近調驗之舉在汝酌量為之至於署
事之員雖若暫攝亦湏才當其任方可

硃批諭旨卷二百二十三中